


't Sjtiekelwêrke.



Sjtadsprins Bjorn I

In mie leedje hat uër al gehoeëd dat miene groeëte wunsj is oetgekoame. Mar wie zoene wunsj ontsjeteet en gruijt kan ich nit in dat ee nummer besjriewe.

Gikkerinne wit dat ich in de Grunsjtroat bin opgegriuid en och ee paar joar deels in d'r Busj han gewoeënd um ontwikkelingshulp te verrichte en woa ich sjun vrundsjappe han opgebowd. Mar mie hats klopt Geete-greun, en ich bin inne Meijong oet de Grunsjtroat.

Noadat ich jeugdprins bin gewea, woar de tied um aa te kinne sjleete bei de Meijonge waal erg lang, dus sjleepet ich mit vriendjes mit inne boom durg de sjtroat deë och bei os in de Abdissenlaan an de duur hat gesjtange. Lotte vier zaage dat mieng mam ee soat va kuëningin woar. Ze verzurget mich en mieng vriendjes mit sjnuuts en limenaad.

Al woare de Meijonge d'r doe nit ech gelukkig mit, oetendig bin ich toch gow vrung mit ze gewoeëde, wa Ivo?

Endlig brook de tied aa dat ich aktief an 't vereinsleëve in de sjtroat koeët goa deelnumme; mit 15 joar beij de Meijonge woa ich meteen beij de kapkommissie moch.

En da och endlig beij dur road va elf. Want vöal va mieng vrung woare al d'r beij.

Durg de moeziek en mie wirk ken ich nit ummer mit, mar wen ich d'r beij bin zurg ich saame mit de jong garde vuër sjpas en plezeer op en neave de bühn. Zoeëwie d'r Johnny oet zie daak geet beij 't Beppie, jodel ich geer mit de mansluuj van Kartoesj mit. Dus jonk en oad geet geweldig saame, dat merk ich noe zieëker wie ich prins bin.

Ich bin sjtolz d'r op dat vier ummer mit zoene groeëte groep roadsleede en Grüskes oettrekke. Os dansmariekes zint ummer d'r beij en danse prachtig vuër os. En ich hoop dat de Herriemonie och nog ins mit os mitgeet dis vasteloavend. Mieng dankbaarheid noa 't besjtuur is groeët dat ich de kans han gekrieëge um Sjtadsprins te weëde, och al zalle ze minnichmoal d'r sjiet van mich kriege, mar ich bin noe eemoal een bietje autistisch.

Ich wunsj uch allenuij ing sjun vasteloavend tow en ich hoop uch mit die daag vaak te zieë in osse Geetetempel of in g'n sjtroat.

Alaaf Sjtadsprins Bjorn I

Hoat tradities en vrundsjappe in ieëre en lot os de vasteloavend viere!

Want d'r is os mar ee leëve gegeëve, dus lotte vier dat good leëve.

Vruijt uch op giddere daag mit moeziek sjpass en inne laach.



Jeugdprins Floris I

Leef Luuj oet de Grunstroat en omsjtreete,

Het liedje "Vier hand inne prins in de stroat" han ich vaak geloesterd en gezonge. Stiekem dreumend dat dit liedje ooit uuver mich zow kenne goa. Inne dreum dea is oetgekoome!

Ee joar lank han ich dit geheim sjtil kenne hoade, wat nit ummer mekkelijk woa. Vuural went ich ut mit mieng familie en vrung uuver de carnaval how. Maar dit is och ing sjun en spannende tied gewees; de vuursjpass die se has en get weete wat bijna ginne angere wit.

Op 18 november woar dan d'r groete daag, de proclamatie van d'r Bjorn en mich in d'r Geetestaal. Wat ing sjpanning, wat ing luuj in der zaal, wat ing beleavenis. Geweldig!!! Jeugdprins Floris I van de Geete woa ee feit.

Sinds die tied han ich al veul leuke en gezellig daag gehad, woa bei ich mich de ooge han oetgekieke, woa ich nit va how kenne dreume. Ich han veul sjpass mit d'r Bjorn. Als ervaringsdeskundige ken ich veul van hem liere en mitmaake. Wat hea vuuraf aan de vasteloevend zaag: vier dunt en beleave dit prinsenseizoen same, is och echt zoë. De roadsleade, "mieng koempels ✂", en gruskes drage doa zieker och aa bei. En nit te vergeate wat ozze adjudant d'r Herman allenuij mit en vuur os deed.

Nieks is hem te veul.

Ut is sjun um te zieë, wie de carnaval zoëveul luuj in t durp en gemingde mit elkaar deed verbinge. En doa ken en maag ich och deel va oetmaake.

Ich kiek oet noe alle mooie momenten die nog gunt koome. Went die net zoë sjun zunt wie bis noe tow, dan geht dat zieker good koome.

Floris I

't Sjtiekerverke veult zich onger de Geete in de Grunstroat heem, mar sjtuet doabeij och wal ins geering kieër onger d'r bokserem.

Miene jong is Prins!

Al 17 joar bin ich ee Koetsche Grüske mit vuur mich als hoëgtepunt 't 5 x 11 joarig jubileum van de Koetsche Grüskes in 2007. Doa kin ich noe miene zoeën, d'r Floris, als jeugdprins va V.V. de Geete in 2023-2024, aa towvooge.

Ich weet noe wat en wie mieng collegae Grüskes, zoeëwie 't Ineke, 't Marjan, 't Mariëlle, 't Francine, 't Petra, 't Xandra, 't Marianne, 't Joyce, 't Marij en natuurlijk och alle mama's van inne jeugdprins zich hant geveuld. Sjtillekes va binne geneetend en teëge dichzelf mit trots kinne zaage: miene jong is Prins.

De vuurpret die me hat went ginne 't nog maag weete, dich nit maage vermoele. De geheimhoudingsplicht. De prinsekap oetzeuke, welke kluër en welk reliëf?

En da sjtet opins d'r jong, gestieëve in pak mit inne witte miepmöp um, vuur de mam in d'r winkel. Kint ier uch dat geveul nog allenuij herinnere mama's?

't Geveul van trots zieë, hoate va, mar och va sjtet d'r jong d'r sjun op? Amuseert d'r jong zich? Wie is 't weer mit d'r optoch? Hant vier genug klumpkes i-gekoch? Dat allenuij zal och bekank beij de mama's in de oere klinke.

D'r jong losloate zoeëdat heë mit d'r adjudant, ziene groeëte (Stjads)Prins en roadsleede op sjiep kint. Doe kunts d'r al sjnel hinger dat dat waal allenuijl good kunt, want d'r jong kunt in ee werm nes va de Geete en weëd al sjnel in hun hats opgenoame.

Leef luuj, dat geveul, mam van d'r Prins te zieë, is ee prachtig en biezonger geveul en dat kin ich gidderinge aabeveële, want dat geveul numt dich ginne mieë af

't Marlène



Mam van d'r Sjtadsprins

Mie hats leep uëver va geluk wie vier hoeëte dat d'r Bjorn Sjtadsprins va de Geete mog weëde. Ing sjpannende mar prachtige tied brook aa. Vöal gemoelt wie ut moëts goa, duks bis midde in de naach. Dur zint gans get sjnåpskes en grülkes raos gedronke wie vuur os wer ins get bedachte.

Uëveral mog ich mit noa tow, ut pak oetzeuke, de kap saame mit d'r Hagen, d'r Roger en d'r Hollender. In d'r sjtudio han ich ee peksjke zakdeuker vol gegrieëne wie d'r Bjorn de leedjes izong.

De letste daag vuur de proklamatie woare get lestiger. D'r Bjorn how ee kot lontje mar volgens hemzelf ging nerve..... Ich han de mirm doe wal ins óp-ee motte peësjje, aangesj how ich 'm ing verpiëpe. Zieng vrundin woar og va mening dat heë lestig woar, dus dem han ich og wer ing luëge oet noeëd opgedrieënt.

De hemmes gewesje, 't pak hingk kloar hinger de bühn...in inne kleijerzak, want ich woar bang dat 't Elaine van d'r Aram an de kleijer koët ruuke dat 't d'r Bjorn zieng ploete woare.

En da kunt endlich dat groëte moment. Mit de rispele geföhnd en mie nuij kleed aa, waade op 't oetroope. Endlich maag ich sjtols vertelle dat ich de mam van d'r Sjtadsprins van de Geete bin!

Mieng gow vrung han ich aaf en tow get vuurgeloage; en wie d'r Bjorn op de bühn sjtong, reepe ze dat ze 't al monde woste. Op d'r film kiek d'r Hennes angesj waal verwongert. En d'r Erwin zoog d'r Bjorn 't kostuum koope bei d'r Berden in augustus, mar doe woar heë mit de vrundin Reizwäsche an 't oetzeuke.

Went d'r Herman 'm kunt hoale kunt ummer ee sjun ogenblik vuër mich; Da sjteet d'r Prins neëve mich en maag ich 'm de manchekneup aadoë. Ich bin da ing gelukkige en sjtelse prinsemam.

D'r krisboom hat nog noeëts zoëe kot in de boet gestange es wië dis kiër, alles moeët umgetoovert weëde in ing Prinseresidens. De Maastrichterlaan is nog noeëts zoëe good verlich gewëe wie noe.

Nog een paar weëke en dan is heë vuur uch allenuij wer geweun d'r Bjorn, mar vuër mich bliet heë ummer miene Prins ❤️💚💜.

Alaaf, de mam van d'r Sjtadsprins.

Woad van de redaksie

In d'r 72e joargank van os sjtielverke wead d'r vasteloavend wer op versjillende maneere beschjriëve. Dat gebuurt vanoet tradisie, vanoet sjtols of vanoet geveul. En natuurluk maag ooch inne gekke sjlaag of ut gesjtichel neet ontbreëke. Vuur ut invulle van al die elemente hant vier mage reëkene op d'r inbrenge van diverze luuj. Als redaksie wille vier doavuur ozze groëte dank oetsjpreëke!

Op de iëjste plaatsj kooome ozze hoëgheede aan ut woad. Sjtadsprins Bjorn I en jeugdprins Floris I loate os weete wat ut betekent um vuurop te loope in de Grunsjtröatse en Landgraafse polonaise.

Zonger adjudant zouwe die twië warschjienluk waal ins d'r weag kwiet zin. Doarum hat d'r Herman dun oochn noe neet losgeloate en ee sjtukske geschjriëve uüver Prinse- en Elveroad.

Went gier de betekenis van sjols éch wilt liere kenne, dan mot gier de bijdrage van ozze prinsemamme leëze.

Soms kint ut hendig zin u mee paar sjtappe truuk te goa en de zaake ins va aafsjtand te bekieke. Dan wirkt vaak verhelderend. "De vatjs van de haechter mit sjnieëps loots" is doa van ut bewies.

In dizze oetgave maag natuurluk ozze vaste columnist neet ontbreake. Wim Pelzer hat zien eege gedanke uüver ee sjtielverke mit os gedeeld.

Ut Anita sjtelt zich vuur als Koetsche Gruske en dankzij ut feit dat ut veul mit d'r Herman umgeet is ut nog neet gelukt um plat te

schjriëve. Ut hat waal genoate!

D'r Aram hat ee probleem: hea wit neet of ze hem get hant geklauwd, of dat hea get verloare is?!

Ee moal prins te zië lut dich noëts miëj los. Prins Sjef I is doa van ee sjpreëkend vuurbeeld! In dit bizongere seizoen maag inne truukblik van de oud-sjtadsprinse neet ontbreëke. D'r Joep, d'r Rody en d'r Patrick hant nog ins hingerum gekiëke en sjun herinneringe gezië. Zoë wie gier ongetwijfeld wit hat d'r Frans Verboeket, zwoar verdeend, d'r orde van verdeenste gekriëge. Wie dat zoë gekoame is loate de oud-prinse os, oet zier betrouwbare bron, weete.

Ozze jeugdprins d'r Floris volgt twiëtaling ongerwies en dat is bes lestig en knap. Namens d'r Bargoenskloupe giëft d'r Herman Damoiseaux os mit zieng "vasteloavendsliedjes" ooch die kans.

In os sjtielparade hant vier geprobeerd um get zaake durch inne angere bril te bekieke in de hoop doa mit neet al te veul luuj op de geete-tiëne te treëne of juus waal? 😊 Tensjlote vroage vier aandach vuur de liest van jubilarisse, bedanke vier ozze sjponzoore en zeuke vier ee sjtandbeeld.

De redaksie wunsjt uch allenuij ing geweldige vuurtzetting van dit geweldige seizoen, mit geweldig veul sjpass en geweldige momente en herinneringe!



Prins Sjef I

Vasteloavend huët beij d'r Sjef wie de Geet beij de Grunsjtroat. 't Woar da och ee sjun en emotioneel moment wie heë op d'r 31 Januaar va vurrig joar oetgeroape woeëd als Prins Sjef I va de zorgbungalows an 't Heiveld. Op d'r kop aaf 60 joar noadat d'r Sjef Prins woar heij in de Grunsjtroat beij ozze eege vasteloavendsverein. In d'r Harmoniezaal op Nuijehage woeëd durch 't personeel van Meander ing geweldige proklamatie georganiseerd, woa vier als V.V. de Geete vanzelfsjprekend beij woare. Prinse, Road va 11, Koetsche Grüskes en vuural d'r Prinse Road, good en hatsverwerwend um te ziëe dat "ziene" verein mit zoëëvöal luuj doa woar.

"Ing Geet bliet ing Geet, mit sjpass mar och beij leed



Truukblik Sjtadsprinse

Joep I (1990)

In november 1989 bin ig geproclameerd als sjtadsprins Joep va Landgraaf, seizoen 1990. Gezieë mie wirk in 't Stroätje beij d'r nonk Joep en tant Bertie Weijers, how ig al vaak va kotbej mitgekrieëge wie het is um prins te zieë en te weude van V.V. de Geete.

'T wor de ieësje kier dat de Grunstroat d'r sjtadsprins va Landgraaf gong proclamere. Wat ing ieër en wie sjun, noadat miene pap d'r Jan en miene broor d'r Con mig al vuur worre gegaenge.

Ig zien 't nog vuur mig, mieng prinses ut Judith op de heng de Bühne op gedraage durch mieng twië breur d'r Con en d'r Fer Leuke weetjes: D'r opa Fer inne van 't ieëste oer wor bij de oprichting van Vasteloavends Verein de Geete. Wie ig prins woëd ig op hoesnummer 11 woënde, ig 22 joar wor en ut 33 joar geleie wor dat d'r pap prins wor bij de Geete.

Os familie hat zoegaar inne prins gelieëverd bij de Wespelle i Brokkelze, wa Fer, en nit te vergeate de jeugdprinses Con, Jan, Joep, Dion en ozze eege Joeri, bij ozze verrein V.V. de Geete.

Hoëgetepunte van mie regeringsjoar zint d'r zat, uiteraard 't proclameren in inne bomvolle zaal in 't Stroätje mit burgemeester Hans Coenders en wethoud'r Thei Gybels, hieël veul zalen, bejaarden hoezer en angere lokaties bezocht, d'r rondgang mit de Koetsche vrouwluu, nog ing echte ouwere generatie van die tiet, d'r optocht dea ondanks het schlegte weer toch trok (de daag drop zint d'r veul afgelast durch inne storm)

Nit te vergeate de finale van het Limburgs Vasteloavend Leedjes Concour in d'r Hanehof i Gelean, mit ing bus vol supporters vanoet d'r kirmisplei, Moeziëk oet eege Dörp (Hakkezeum) ongersjteune die mit 2 schlagers in de finale sjtonge.

Rody I (1997)

I november '96 kwoam de ganze welt noa de Grunstroat en ich woëd oetgeroep tot prins va VV De Geete en Sjtadsprins va Landgraaf. Ich moeët mich umdoeë bei Hagen en Mona. Va stress bin ich 2 kiër de Grunstroat bei ut plein op en neer gerend. Ich woar bang dat ich te laat zou zieë (wie zou dat toch kenne) en mich inne zou zieë! Gelukkig sjtong d'r Hagen bei de duur. "Woa blies se", reep hea. Op de Bühne an de achterkant va de coulisse hou d'r Hub Dortants gesjriëve: "Ich weet wem se bis". Ger Beckers ("miene" president), Sjf Honings ("miene" adjudant) en Hans Borjans ("miene" chauffeur) hant mich vaak in de ongerboks vuur de vinster zieë sjtoa, want ich woar nog nit veëdig. Menig bruëdje döner hant vuur in Egelzer gegeate. Saame mit deun, d'r Road va Elf en alle anger Geete han ich ee prachtig joar gehad. Ee maëdje oet Bor kroog ich zoë wiet um ut Galabal mit mich te eupene. Verkleid es Koetsche Grüske bin ich ee sjtuk va hunne tog mitgeganga. D'r Hans is mit d'r prinseauto en mich als prins noa de HEAO in Eindhoven gegaenge en voor geweun d'r sjoëlplei op tot bei d'r ingank, och al mochte d'r ging auto's koome. Alles sjun herinneringe die mich ginne mieë ken aafneume! Sjtolz en dankbaar bin ich dat ich prins van De Geete han maage zieë. Helaas sind noa al die joare de nuëdige vasteloavendsvrung d'r nit mieë, mar de herinnering aa deun bliet in leëve en jieker joar viere ze in gedanke geweun mit os mit. D'r verein bliet besjtoa en doomit och d'r vasteloavend in de Sjtroat. Vier Geete huure tensjlotte in de Grunstroat heem.

Patrick III (2003)

In 2002 woëd ich in 't Ströatje oetgeroep als Prins Patrick III van VV de Geete en Sjtadsprins van Landgraaf. Volgens mich woar dat ee van de winnige goodbewaarde geheime in de Grunstroat, an de verwonderde gezichte van de luu in d'r zaal te zieë. Ich woar 23 joar, vrijgezel en boete de mei-jonge nog nit zoe actief in 't Grunstroatse vereningsleëve. Mar ich how d'r sjmaak vlot te pakke.

Ich han geweldige herinneringe an die tied. Same mit d'r Road va Elf, wooste vier waal euveraal ee feestje te viere. Och boete de grenze van de Grunstroatse contreie. Noa heem goa woar een vies woäd. Vier woare inne hechte groep woa vrundsjappe vuur 't leëve oet zint ontsjtange.

Vuural de ouwer generatie van d'r Road van Elf houw de heng an mich vol, mar ze loote mich noëts in d'r sjtiëk en houwe alles vuur mich uëver. Ich hoofde d'r Johnny mar te belle da sjtong heë vuur mich veëdig al moët heë durch gans Limburg vare.

De Sjlüütelluoverdracht durch d'r Burge-meester woar natuurliek ee privilege vuur alling d'r sjtadsprins, dat vong ich waal ing ieër. Mar ich veulde mich vuural prins van 't Geeteriek in Grunstroat.

En toen koam d'r optocht. Dat woar waal ee hoëgetepunt woa ich hen oet keek. Ich woar zoë enthousiast dat ich 's mörgens al um 10 oër bej cafe Bergrust woar um 't optocht-nummer aaf te hoale.

't Woar prachtig um boave op d'r prinse-waage, same mit mieng kamerade durch de wijk te trekke en te genete van 't oetwerpe en de luu langs de kant. Als sjtadsprins en wijkprins sjtong ich op d'r letzte wage en moch ich d'r optoch aafsjeete, um nöets mië te vergeëte. Ich han 't optochtbal dea oavend nit mië mitgemak.

Teage d'r sjtadsprins Bjorn I zow ich wille zaage: Geneet van gikker moment, lot dich durch nieks en ginne teëgehote en doe maks ing herinnering vuur die leëve.



*Sjtadsprins bise van Brokkelze bis op d'r Sjeet
Mar zoe wie die drei heijboave
Bliese vuural ing Geet*

Woost ier dat:

1. Roda JC ozze Floris hat gevraagd um vuurop te loope in de polonaise went ze promoveere?
2. Ut bouwontwerp van d'r Geetesjal gebroekt geet weade um 't woningtekort op te losse? Dat d'r Geetesjaal da bei de volgende kribkeswandeling boete vuur 't Ströatje sjteet?
3. D'r elveroad zich zijwoar mot bedinke wat ze oet gunt geave bei de optochte? Sjikolaat, blomme of frikadelle?
4. D'r Borrel in opleiding is bei d'r Sjef vuur de funksie van kettinge- en ordewiekser?
5. Marlene um drei oer snachts de bedste iedeeje hat? D'r Arnold hei nieks van aaf wit?
6. Dat d'r Jeffrey letterluk ut woord sjtehtisch hat oetgeprobeerd? Vier dat jeugdige onbezonneheid neume? D'r Johnny M. hei ee good vuurbild va is?
7. Anke Latour zich ooch boete d'r carnaval um verkleidt en doa prieze mit wint?
8. Vuur Geete geldt dat de puntjes op de i gezat motte weade en neet op de o?
9. De sjneckmoer in ut Stroatje; d'r Sjnecketrekker heesj?
10. Vier de Unskes vroege um iëder te koome op de resepsie? Die bringe teminste sjtiemmung mit! Dat diezelfde Unskes gewiechtege vrouwluuj zint die in Echt, bei ut BCL-treffe, mit de linker bats in 't Belgsj stinge en mit de rechter op ut Duutsj?
11. Ee Gruuske gans noa de USA is gewea? Ut doa in ut wilde weste noa ing huifkar hat gezoch? Dat die huifkar gesjald weëd bie d'r Patrick neaver d'r container van de fanfare?

Bej die tróms noppese wiervel lichterigge huure vasteloavendsliedjes wie sjmót bej boot hueët... Maar...wiezoeë zoeë grannig loerese liedjes?

Ut vóng grannig jemkes geli-jje al aa mit: "Doa hoemt inne treppet in d'r gank", of die gruus die zóng: "Miene haech hat lontjes op de sieskes". "Wiervel d'r ganze dieëmse sjwatte mit mich" en "Bej ós sjteet op de pieëk van de postelsjpin..." hant vier in gidder gelapsjt.

Doa fejt miene haech mauw in d'r mieëles va...Vier hant zoene pueke kwieëst in ós provincie, en zoeë grannig tradities, vuural rónk de vasteloavend...

Waarum lapsje vier nit granniger liedjes in ózze eege kwieëst mit de vasteloavend?

Da sjielt mich durch d'r kiebese... "Hot de hónder in d'r sjtaal", "Ut zit bej ós in de familie", "geneet van ut leëve", "Inne wals mit Maria" en zoeë kin miene haech nog grannig lang durchgoa...Dus, mieëlestige Gruuze en Noeëke en die de moeziek verzurde... hej is de hösj, wea pakt ze op???

Bej die drieë gekke festdaag huure carnivalsliedjes wie botter bej broeëd hueët. Maar, woarum zoeë veuel Hollendsje liedjes? Ut begon veuel joar geli-jje al mit: "Er staat een paard in de gang", of dat vrommesj dat zóng: "Ik heb worstjes op mijn borstjes".

"Dans de hele nacht met mij" en "Bij ons staat op de keukendeur" hant vier in gidder wieëtsjaf gehoeët.

Doa krien ich pieng in d'r boek va...

Vier hant zoeng sjun sjproäk in ózze provincie, en zoeë veuel tradities, vuural rónk de carnaval...

Waarum huure vier nit mieë liedjes in ós eege sjproak mit carnaval?

Ich dink da an "Hot de hónder in d'r sjtaal", "Ut zit bej ós in de familie", "geneet van ut leëve", "Inne wals mit Maria" en zoeë kin ich nog erg lang durchgoa... Dus leef vrouwluu en mansluuj die vuur de moeziek zurge...hej is de hösj, wea pakt ze op???



Jubilarissen



1 x 11 joar

Bjorn Fasel
Jos Gelissen
John Hoofs
Steffie Michorius
Jo Nievelstein
Sander Plum

3 x 11 joar

Hans Borjans
Martien Dautzenberg
Frans Hoffmann
Bert Kouwenberg



Onthulling
2026 ??

D'r blaeket is de vatsj va haechter mit sjniëps loots!

Dat is Bargoensj en wil zaage: De geet is de ków van de erm luuj. Zoeë woeëd de geet och waal genumd en warsjeinlik ligt doa in och de verklaoring woarum ozze Vastelaovends-verein zich zoeë numt.

Geete zint deere die good saame kanne zieë, och al zint ze misjien nit allenuij van klings aaf beijee. Ze knauwele geër uuveraal aa en luste bauw alles, mar zint toch weëleriesj in wat ze eëte. D'r sjmaak van ing geet is good ontwikkelt, graad wie d'r ruëk, 't gehuër en de ooge. Vuuraal die letste twieë, de oeëre en de ooge, gebroekt ing geet um mit de anger geete te kommunieseere. Mar ing geet kan evver och good an 't gemekker va ing anger geet huëre of hōar get nit naast, kweër zit of dat ze naatigheid veult.

Eegelik geëve geete mit hun gemekker dus aa wie ze zich veule.

Geete zint va de natoeër oet onruig, leëvendig en sjiëls, mar och nuijsjierig en ongerzeukend. Doarum weëde in ing geetewej duks obsjtaakele geplaatst. Nit um teëge aa te loope, mar um mit te sjiëele, uëverhin te sjaavele en boavenop te klumme.

Op 't ieësjte gezich liekt ing geet nit zoeë sjlau, mar sjien bedruugt. Ing geet hat gauw get nuijts gelieërd en hat ee good gehuëge.

Och ziese geete wal ins sjiengevechte hoate. Ze sjtunt da op hun hingesjte poeëte um doanaa mit de heure teëgenee te houwe. Op die maneer geëve geete aa wat de rangorde is en welke geet vuuraa an d'r voorgruul sjteet. 't Is da an de verzurgere um d'r op tow te zieë dat anger geete zich nit te kot gedoa veule of de vot teëge de krib aa werpe.

Heij in de Grunsjtroat hant vier och ing weij mit 160 Geete dri.

Lotte vier saame alle gow eegensjappe van de Geet gebroeke um os kudde beijee te hoate, och al kruup ins af en tow ing Geet onger d'r droad durch of sjpringt ze d'r uuverhin.



4 Sjtiekilverke

Ig mot zaage, in der werme zoëmer va aafgeloope joar wor waal get te zieë. De sjtiekele gonge mig aventow rechop sjtoa. Ig koam ooge te kot. Die zoëmerse hiz zurgde vuur luchtige bluskes, kotte bokse, oape decoletees, bloëte rukke en ig durf et bow nit te zaage; bloëte navelkuulkes. Jumig, jumig, genog vleesj vuur doa op prentjes te tatoëren. Me vilt ing proem op wint me nit zoë ing ingekleurde pentekening op et lieëf hat. Mie egeellientje zaat dan og direkt teage mig: "Dat is get vuur dig, doe lups ja ummer vuurop mit zong gekkigheid". "Nea sjat, ig han genog papier om te tekene". Et bleef mar zeure, dat ig mig ing sjun tatoe moët lotte zette. Et wirket mig richtig op der kuttel der mit. Maar ja; in ee got huwelijk mot me aventow buige vuur de wunsje van zieng vrouw. "Veul plaatsj han ig als iegel nit op mie lieëf", zaat ig nog. "Op die ronk buuksje is plaats genog doë gek, maar pas op nit te kot bei et pietemenneke, dat mot blieëve wie et is." Ig han mig mar beijee gerapt, de Kirksjtroat erop noa der tatoeshop in ge durp. Vuurzichtig hant ze mig mit igetrokke sjtiekele op der ruk gelaag. "Ik wil waal wat sjuns en in kluur es gevelligs?" zaat ig. Et wor nit billig, maar vakwerk, dat zoog der sjat va mig og en goof mig ee muulke drop. Ing greun ingekleurde geet sjteet noen vuur ummer op mie buukske en mit sierletters dronger gesjrieëve; 'laaf de Geete'. "En dat hat nog ginne in de Grunsjtroat, wa sjat!"



Als 't Sjtiekilverke sjtunt mich duks de hoare rechop,
mar mit mieng wōad sjtoeët ich nit geër luuj vuur d'r kop!

Grüske sjtelt zich vuur

Hallo, ik wil mij even aan jullie voorstellen. Ik ben nu 1 jaar een Koetsche Grüske. Mijn naam is Anita Halfwerk en als voormalig Prinses Anita I van C.V. de Spinneköpkes, getrouwd met Herman (Raadslid/Adjutant van V.V. De Geete) en moeder van Wesley (Raadslid / President van V.V. de Geete) zit het carnaval in mijn bloed. Daarnaast is mijn schoondochter, Viëna Hermans, jarenlang Dansmarietje geweest bij S.V.V. Dit wordt mijn tweede seizoen als Grüske. Een Grüske mogen zijn is voor mij dan ook een grote eer. Ik heb erg genoten van het eerste jaar. Vanaf 11-11-2022 voelde ik mij meteen welkom bij de Dames en bij V.V. de Geete en heb met heel veel plezier carnaval gevierd. Het hoogtepunt was toch wel Auw Wiever dag. Een geweldige dag, veel gelachen met alle Hoogheden en verenigingen, ik heb toen mijn Koetsche Grüskes ketting mogen ontvangen waar ik dan ook zeer trots op ben. De beide optochten waren ook een hoogtepunt. In het verleden heb ik deze meerdere malen gelopen met de carnavalsgroep: Vriendengroep D'r Concurrent. Samengevat, mede dankzij de dames, heb ik een fantastisch eerste seizoen beleefd en ik zal de eerste Jägermeister dan ook niet snel vergeten. Dit seizoen zal nog mooier worden met onze Stadsprins Bjorn I en Jeugdprins Floris I voorop en ik hoop dan ook op ons Auw Wieverbal veel carnavalisten tegen te komen

Groetjes
Anita.



Geklauwd of verloare!

Op zamstig d'r 18e november zint vier, zoë chaotiesj wie vier zint, ozze moelejaan verloare. Of is heë os toch geklauwd?

Ing second verloare vier 'm doe oet 't oog...

En opins sjtong heë op de bühn mit veere op d'r bulles. De reëkening sjikke vier nog wal noa ozze sjwesterverein V.V. de Geete.

Zowwe vier ozze moelejaan nog truuk kriege of zitte vier d'r 23e meeëts oane hem en mit os vieve óp de bühn? Dat heesj da waal vuur ós: mieë plaatsj, mieë pils, mieë artieste en... inne microfoon wiëninger um urgens te motte huure.

Komt op d'r 23e meeëts allenuij kiekke of ozze Björn wer truuk is in d'r sjtaal en geneet da va de moeziek van ózze sjerre: PATRICK PESCH, JOHN TANA, GILLES PROUST, SHIRLEY, DE SJLIJP, CLARA ZOERBIER en ANDERKÖVVER.

Kaate kriet ier vuur €11,11 beij d'r prins.

Aram Sangen
CV de Kejelbölcscher



Sjponsors bedankt!!

In dit seizoen, ut joar van ozze sjtadsprins, hat de artistecommissie een geweldig programma saamesjteld. Op de website en op de poosters kint gier zië wea op ozze oavende op de bühne sjteet.

Dat alles is vuuural meugelik gemak durch ozze sjponsoore!! Vier kalle dan uüver 126 bedrieve en persooene. Doa maage de Geete sjtols op zië.

Vier wille dan ooch ozze groëte dank oetsjpreëke aan al die weldoeners vuur d'r geweldige sjteun mit een drei-kreftig Alaaf!!!



De mieëtste sjtiemelverkes die læve uuver 't algemeen sjnachs, ever dit Sjtiemelverke is ummer uuveraal en duks onverwachs.

Nieuwjaarstreffen

Zoals ieder jaar voel ik weer de noodzaak om te "sjtichele" in het Sjtiemelverke.

Het gaat zoals altijd over onze "eliteclub" de Prinseroad van V.V. de Geete. Onze onderlinge band is erg goed, dit komt vooral doordat er zoveel Oud Prinsen bij de Raad van Elf zitten

en blijven. Dat er altijd een overtal is bij de Prinseroad vergeleken met de Raadsleden, is niet zo verwonderlijk. Maar dat de Oud Prinsen zo graag samen met de Raadsleden welke "niet" prins geweest zijn willen optrekken, is wel noemenswaardig. Er waren maar 5 Oud Prinsen die niet bij de Raad van Elf zitten. Wat was het mooi en emotioneel dat ons gewaardeerd raadslid en erelid Sjef Honings aanwezig was en hij de huisorde van onze Stadsprins heeft mogen ontvangen. Sjef heeft het carnavals-gevoel nog

goed te pakken, zeker toen de muziek aan ging. Na ieder seizoen levert de Raad van Elf weer een goed opgeleide Prins af die dankbaar door de Prinseroad wordt opgenomen, al was het maar omdat hij da de hele dag bier moet halen (Dwangarbeid.) Aangezien de pot bij de Prinseroad aan het eind van de middag leeg was heeft de Raad van Elf hen maar een rondje of 2 gegeven. We zijn per slot van rekening 1 grote familie.

Maurice bedankt voor het verzorgen van de Raadsleden exclusief Oud Prinsen.

Dus conclusie mag dan ook zijn dat het aantal Raadsleden, exclusief Oud Prinsen, steeds kleiner wordt en de Prinseroad alleen maar groter. Maar weet u, dat doen we graag, want als we zien hoe trots de mannen met hun witte steek op hun hoofd tijdens het Nieuwjaar matinee rondlopen hoe trotser de Raad van Elf is dat we wederom een fantastische prins hebben mogen afleveren. Het maakt ons niet uit dat ze op 1 januari met meer kappen lopen. Dat is ze van harte gegund.

Wij vinden saamhorigheid, de beleving en het carnavalsfeest het belangrijkste en wij mogen het hele seizoen onze steek dragen en niet alleen op de proclamatie en Nieuwjaar matinee.

Geete zijn we samen en vieren kunnen we in de Groenstraat als geen ander. De Raad van Elf feliciteert met trots Frans Verboeket, drager van de Order van Verdienste 2024 (hij is geen

prins geweest maar wel ere lid van onze vereniging). V.V. de Geete heeft sinds lange tijd ook weer een Sjstadsprins en een geweldige Jeugdprins. Dus we doen als Raad van Elf stiekem niet onder voor de "eliteclub" Prinseroad.



Daarom wil ik afsluiten met een 3x krachtig alaaf voor:

Stadsprins Bjorn I en Jeugdprins Floris I, voor de Prinseroad van V.V. de Geete en voor V.V. de Geete.

Ik wens iedere carnavalist in Landgraaf en geweldig mooi seizoen toe.

Gruss, Herman a.k.a. als de Hollender a.k.a. Adjudant V.V. de Geete



Gebore in Heële op 7 maart 1950 groeide Frans in Gebrook op als jongste van ee leefdevol gezin mit 5 kinger. Heij ging hea och noa de liegere sjoël, de ULO en noa de UTS (wat doanoa MTS hoosj). Veadig mit de sjoël moos Frans in deenst als KVV militair woabei hea op diverse kazernes gelegerd is geweest. In ziang deenstied koam hea natuurlijk ummer teruuk noa heem en lieërde hea in Heële ut Mariet kinne in 1969. Ze trouwde op 2 februari 1973 en verhoesde noa Barneveld, want Frans woar gestationeerd in de Witteberg in Garderen. Umdat ut Mariet heimwee noa ut zuide kroog, koame ze in 1974 teruuk noa ee flatje in Beak. Doa krooge ze in 1975 ut Chantal, dat helaas in mei 1976 uuverleed. In 1976 kroog d'r Frans ing neuj baan bie Blomix in Brunssum als technisch vertegenwoordiger. Op zeuk noa ee hoes in de buurt koame ze oet bie de neujbouw weunigen in de Grunstroat. In ut café van dr Nöl en Trautje Lutgens is ut koopcontract getekend en op Auw Wieverdaag 1977 zunt ze verhoesd. Meteen zag Frans teage dr sjoenpap: hei weurd good carnaval gevierd, hei hubbe ze carnavals-moeziek op de kapel. In 1977 koam hun twieëde wonder ter wereld. D'r beste zoon wats se dich kins wunsche, d'r Patrick (ohh, volgens mich had P2 dit geschriëve). Mit ziang drieë woare ze ing echte Geete familie; ut Mariet als Koetsche Grüske, d'r Frans als roadslid en d'r Patrick als jeugdprins, lid van de herriemonie, groete prins en roadslid. Helaas, in 2016 moest d'r Frans aafschied neume van ziee Grüske, ut Mariet, woa hea mieë dan 48 joar mit saame woar.

D'r Frans is vanaaf jonge jong bei diverse verenigingen actief geweest. Umdat ze pas vanaf 8 joar lid mogs weade, woerd Frans inne daag noa zien verjoardig lid van de drumband St. Jan in Gebrook. In 1994, toen dr Joep Frijns sjtopte als tambourmaitre, koam d'r Frans bie de drumband van de fanafare St. Elisabeth. D'r Patrick, dea al lid woar van d'r drumband, houw gezag: dat kin miene pap waal. D'r Frans lupt nog sjteeds d'r vuur. Vanaf 1996 is hea och bie ut hoofdbestuur van d'r bond van Limburgse Tambour Korpsen gegange, iesjt als bestuurslid en in 2000 als veurzitter van district Heële en in diverse commissies. Totaal kin dr Frans op miee dan 60 joar vereniging-stied teruukkieke in de drumbandwereld.

In 1979 woërd hea och lid van Zangkoer Don Bosco, woa hea neave zenger och ee aantal joar veurzitter is geweest.

Wie d'r Patrick in 1988 jeugdprins woerd bei d'r sjunste veren: vv de Geete, is d'r Frans och meteen lid van de Geete gewoede en koam hea al ing ziang 1e jaor in het dagelijks bestuur als penningmeester, saame mit vuurzitter Martin Plum en secretaris Bert Vonk. Dat doog hea ing dikke 15 joar. Van 2007 tot 2021 is hea och noch vuurzitter van VV de Geete geweest.

10 joar is d'r Frans bie de Wagenbouwers geweest en hat hea mit die manne menige euro verdeend vuur VV de Geete. Samstigs woerd bij d'r Andries in de loods gebouwd en ut



*Als sjtiesselverke gon ich mit, mit de tied
Of ich ee menke of wiefke bin,
bin ich dis drei döl daag kwiet*

*Dus teken ich och bij dit vasteloavendsfes
mit de kenmerke: LHBTIS+
Uch Leef Hatzlich Biezonger
Truij Inveulend Sjtiesselverke +*

Annie zurgde vuur d'r lunch. Vanaf begin joare 90 bis op d'r daag van huuj is d'r Frans lid van dr road van 11 en woar och menig joar ozze huisfotograaf woabei hea menig Geete lid de vot oet hong mit ziene slogan 'veur 5 euro bei d'r Huth'.

Als Geet woar hea 5 joar secretaris van d'r Stuurgroep van Carnavalsverenigingen als neëvebij actief vuur ut OKO Ubach over Worms.

In 1989 woar hea medeoprichter van spaarcloeb ut Stroätje woa hea tot de opheffing veurzitter van woar. Hei is hea och ins beneumd als Prins, umdat hea och waal ins ervaren wool wat ziene zoon Patrick dr 2e bei de Geete hei.

Al miee dan 20 joar deed hea och vrijwilligerswerk als lid van ut stembureau, woavan de letste 2 kieere als veurzitter van ut mooiste stembureau van Landgraaf; 't Stroätje. Helaas woar dat inne kier in inne vochtige kouwe container. D'r Frans deed alles aa um zich inne te kinne drinke in ut Stroätje, och boete de carnaval om.

In 2009 kreeg Frans ee lintje van de keuningin als lid van de orde van Oranje Nassau.

Ondanks ziene pensioenlëeftied, wat se um neet kins aafzjee, is Frans noa bienoa 25 jaor, nog werkzaam bei L'Ortye. Op ziene vrije woonsdig past hea altied op ziang trots, hopelijk mei- keuninginne, Liv en Izzy op.

Vuur ziang verdeenste binne en boete de Grunstroat hant de oud prinsen gemint om dit joar d'r orde van verdienste aan d'r Frans toe te kinne. Ondanks d'r Gebrookse achtergrond is d'r Frans inne echte Grunstroaterjong gewoede mit internationale oetstroaling.

Profiesiejat namens d'r Prinseroad van de Geete*

* Vanweëge plaatsjgebrek hat de redaksie 't sjtuk uuver d'r Frans helaas motte ikotte. Beij de redaksie kint op verzeuk 't ganse sjtuk opgevraagd weede.